



Broj: 16-12-16-7040-12 /21
Istočno Sarajevo, 16 .11.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 12.11.2021. godine, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-7040/21 od 15.11.2021. godine, u postupku javne nabavke mobilnih telefona i mrežne opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
mobilnih telefona i mrežne opreme za potrebe Državne agencije za istrage i zaštitu
za LOT 1 i LOT 2

Član 1.

U postupku javne nabavke mobilnih telefona i mrežne opreme za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2021. godini broj 16-12-16-7040/21 od 15.11.2021. godine, dodijeljuje se ugovor za:

- LOT-1 - Nabavka mobilnih telefona, ponuđaču „ALKIBIA“ d.o.o. Sarajevo, ponuda broj 16-12-16-7040-6/21 od 26.10.2021. godine, za ponudenu cijenu u iznosu od 23.938,00 KM bez uračunatog PDV-a;

- LOT-2 - Nabavka mrežne opreme, ponuđaču „MTEL“ a.d. Banja Luka, ponuda broj 16-12-16-7040-8/21 od 26.10.2021. godine, za ponudenu cijenu u iznosu od 2.476,00 KM bez uračunatog PDV-a, umanjenu prema rezultatima e-aukcije.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-7040-1/21 od 07.10.2021. godine pokrenut je postupak javne nabavke mobilnih telefona i mrežne opreme za potrebe Agencije, procijenjene vrijednosti 27.710,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-249-3-75/21 od 12.10.2021. godine. Novčana sredstva za realizaciju navedene nabavke obezbjeđena su u okviru Programa posebnih namjena „0107130 Unapređenje tehničkih kapaciteta za podršku borbi protiv pranja novca u Bosni i Hercegovini“ (EU IPA National program 2013).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Predmet javne nabavke podijeljen je na LOT-ove, i to:

- LOT-1-Nabavka mobilnih telefona-24.290,00 KM bez PDV-a;
- LOT-2-Nabavka mrežne opreme-3.420,00 KM bez PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 26.10.2021. godine do 13:00 sati, te da se ponude dostavljaju u zatvorenoj koverti, Komisija je dana 26.10.2021. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije.

Na javnom otvaranju ponuda prisustvovala je predstavница „Mtel“ a.d. Banja Luka, Zarfa Berković a na osnovu Ovlaštenja broj 1-04-74-6662-6/21 od 25.10.2021. godine.

Blagovremeno su dostavljene tri ponude, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-7040-6/21	„ALKIBIA“ d.o.o. Sarajevo	26.10.21.g. u 10:15 h
2.	16-12-16-7040-7/21	„KAMER COMMERCE“ d.o.o. Ilidža-Sarajevo	26.10.21.g. u 12:10 h
3.	16-12-16-7040-8/21	„MTEL“ a.d. Banja Luka	26.10.21. g. u 09:05 h

R.br.	Naziv ponuđača	Ponuđena cijena u KM (bez PDV-a)
1.	„ALKIBIA“ d.o.o. Sarajevo	LOT-1=23.938,00 LOT-2=3.276,00
2.	„KAMER COMMERCE“ d.o.o. Ilidža-Sarajevo	LOT-1=24.230,70 LOT-2=3.371,20
3.	„MTEL“ a.d. Banja Luka	LOT-1=24.288,11 LOT-2=3.420,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Tačkom 3.1.4. Konkurentskog zahtjeva, da bi učestvovao u konkretnom postupku javne nabavke, ponuđač mora zadovoljiti uslov tehničke i profesionalne sposobnosti, te dostaviti dokaz (opisi sa tehničkim karakteristikama, nazivima, tipovima i proizvođačima ponuđenih mobilnih telefona i mrežne opreme, katalogi ili fotografije ponuđenih mobilnih telefona i mrežne opreme-firewall uređaja), na kojima se vide tehničke karakteristike mobilnih telefona i mrežne opreme. S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-7040/21 od 27.10.2021. godine obratila Sektoru za operativnu podršku Agencije (u daljem tekstu: SOP), tražeći uvid u dostavljene ponude, te stručno mišljenje po pitanju ispunjavanja postavljenih tehničkih karakteristika iz Konkurentskog zahtjeva i tehničkih karakteristika ponuđene robe (mobilnih telefona i mrežne opreme), odnosno, da li ponuđeni mobilni telefoni i mrežna oprema, na osnovu dostavljenih fotografija, odgovaraju traženim uslovima iz Konkurentskog zahtjeva za predmetni postupak. Komisija je zaprimila traženo mišljenje stručnih lica SOP-a broj 16-10-16-7040/21 od 28.10.2021. godine, gdje je ustanovljeno da ponuda ponuđača „KAMER COMMERCE“ d.o.o. Ilidža-Sarajevo broj 16-12-16-7040-7/21 od 26.10.2021. godine za LOT-1 i LOT-2 u potpunosti zadovoljava tehničke karakteristike iz Konkurentskog zahtjeva za predmetni postupak nabavke. Dalje, ponuda ponuđača „MTEL“ a.d. Banja Luka broj 16-12-16-7040-8/21 od 26.10.2021. godine za LOT-1 ne ispunjava tehničke karakteristike tražene Konkurentskim zahtjevom za predmetni postupak nabavke iz razloga što za nabavku mobilnih telefona Tip-1 tehničkom specifikacijom je traženo Dual SIM opcija a ponuđena je Single SIM opcija. Za nabavku mobilnih telefona Tip-2 tehničkom specifikacijom tražena veličina ekrana je 6.55 inches a ponuđeni model je 6.7 inches, kao i da težina mobilnih telefona za Tip-2 maksimalno iznosi 195g a ponuđena je težina od 200g. Ponuda za LOT-2 u potpunosti zadovoljava tehničke karakteristike iz Konkurentskog zahtjeva za predmetni postupak nabavke. Nadalje, za ponudu ponuđača „ALKIBIA“ d.o.o. Sarajevo broj 16-12-16-7040-6/21 od 26.10.2021. godine za LOT-1 neophodno je tražiti pojašnjenje jer nije nedvosmisleno naglašeno da telefonski aparati za Tip-1 i Tip-3 posjeduju Dual SIM opciju, dok ponuda za LOT-2 u potpunosti zadovoljava tehničke karakteristike iz Konkurentskog zahtjeva za predmetni postupak nabavke. Cijeneći mišljenje stručnih lica Agencije, Komisija se aktom broj 16-12-16-7040-10/21 od 04.11.2021. godine, obratila ponuđaču „ALKIBIA“ d.o.o. Sarajevo i tražila pismeno pojašnjenje ponuđene robe za LOT-1 (telefonskih aparata za Tip-1 i Tip-3), odnosno da li navedeni tipovi telefona posjeduju Dual SIM opciju u skladu sa tehničkim karakteristikama iz Konkurentskog zahtjeva. Imenovani ponuđač je dana 05.11.2021. godine dostavio traženo pojašnjenje, protokolirano pod evidencijskim brojem Agencije 16-12-16-7040-11/21 od 08.11.2021. godine sa obrazloženjem da, telefonski aparati za Tip-1 i Tip-3 (LOT-1) posjeduju Dual SIM opciju u skladu sa tehničkim karakteristikama iz Konkurentskog zahtjeva.

Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu. Komisija je utvrdila da ponuđači, a cijeneći mišljenje stručnih lica Agencije, „ALKIBIA“ d.o.o. Sarajevo (LOT-1 i LOT-2), „KAMER COMMERCE“ d.o.o. Ilidža-Sarajevo (LOT-1 i LOT-2) i „MTEL“ a.d. Banja Luka (LOT-2) ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila

da navedeni ponuđači ispunjavaju formalno-pravne uslove postavljene u Konkurentskom zahtjevu. Dalje, uvidom u dostavljenu ponudu ponuđača „MTEL“ a.d. Banja Luka za LOT-1, Komisija je, uvažavajući mišljenje stručnih lica Agencije, konstatovala da ponuda imenovanog ponuđača ne zadovoljava tehničke karakteristike iz Konkurentskog zahtjeva. Uzimajući u obzir navedeno, ponuda ponuđača „MTEL“ a.d. Banja Luka za LOT-1 se odbacuje, u skladu sa članom 68. stav (4) tačka i) Zakona.

Uzimajući u obzir naprijed navedeno, a kako je za postupak javne nabavke mobilnih telefona i mrežne opreme za potrebe Agencije, tačkom 8.2. Konkurentskog zahtjeva predviđeno provođenje e-aukcije, u skladu sa odredbama Pravilnika, a imajući u vidu da su od tri pristigle ponude za LOT-1 dvije prihvatljive, te da su od tri pristigle ponude za LOT-2 sve tri prihvatljive, Komisija je zakazala e-aukciju na dan 12.11.2021. godine za LOT-1 sa početkom u 10:00 sati u trajanju od 10 minuta i za LOT-2 sa početkom u 11:00 sati u trajanju od 10 minuta.

Prema Izvještajima o toku i završetku e-aukcije od 12.11.2021. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

LOT-1

R.br.	Naziv ponuđača	Ponuđena cijena bez uračunatog PDV-a	Rang
1.	„ALKIBIA“ d.o.o. Sarajevo	23.938,00 KM	1
2.	„KAMER COMMERCE“ d.o.o. Ilidža-Sarajevo	24.230,70 KM	2

LOT-2

R.br.	Naziv ponuđača	Ponuđena cijena bez uračunatog PDV-a	Rang
1.	„MTEL“ a.d. Banja Luka	2.476,00 KM	1
2.	„KAMER COMMERCE“ d.o.o. Ilidža-Sarajevo	2.480,00 KM	2
3.	„ALKIBIA“ d.o.o. Sarajevo	3.276,00 KM	3

Prema Izvještajima o toku i završetku e-aukcije od 12.11.2021. godine, Komisija je utvrdila da za LOT-1 nije bilo snižavanja cijene ponuda kao kriterij za dodijelu ugovora, dok je za LOT-2 Komisija utvrdila da je bilo snižavanje cijene ponuda kao kriterij za dodijelu ugovora, u skladu sa članom 8. Pravilnika.

Nakon provedenog postupka ocijenjivanja dostavljenih ponuda, shodno Izvještajima o toku i završetku e-aukcije od 12.11.2021. godine, a cijeneći sve naprijed navedeno, Komisija je utvrdila da je ponuda ponuđača „ALKIBIA“ d.o.o. Sarajevo ocijenjena kao najpovoljnija ponuda za LOT-1, kao i da je ponuda ponuđača „MTEL“ a.d. Banja Luka ocijenjena kao najpovoljnija ponuda za LOT-2, te da iste ne premašuju procijenjenu vrijednost nabavke iz tačke I Odluke o pokretanju postupka javne nabavke mobilnih telefona i mrežne opreme za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupka javne nabavke mobilnih telefona i mrežne opreme za potrebe Agencije za LOT-1 dodijeli ponuđaču „ALKIBIA“ d.o.o. Sarajevo, a za LOT-2 ponuđaču „MTEL“ a.d. Banja Luka, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (3x);
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

